



Broj/Broj: 01/6-50-1-6-23/06
Sarajevo/Sarajevo: 26.01.2006.godine

Z A P I S N I K
23. sjednice Komisije za promet i komunikacije,
održane 26.01. 2006. godine

Sjednica je održana 26.01.2006., s početkom u 14,10 sati.

Sjednici su prisustvovali članovi Komisije:

1. Miloš Jovanović, predsjedavajući
2. Milorad Živković
3. Muhamed Moranjkić
4. Ruža Sopta
5. Selim Bešlagić
6. Adem Huskić.

Sjednici nisu prisustvovali: Nenad Mišić, Ivo Lozančić i Izet Hadžić.

U ime Vijeća ministara BiH, sjednici su prisustvovali: Željko Knežević, pomoćnik ministra komunikacija i prometa BiH, Kojo Koprivica i Timur Gadžo, službenici Ministarstva komunikacija i prometa BiH.

Kao predlagач Zakona sjednici je prisustvovala zastupnic Dušanka Majkić.
Sjednici je prisustvovao i privremeni tajnik Komisije Ahmed Jalovičić.

Predsjedatelj Miloš Jovanović predložio je sljedeći

D N E V N I R E D

1. Verificiranje Zapisnika 22. sjednice, održane 05.12.2005.godine,
2. Prijedlog zakona o Agenciji za informaciono društvo Bosne i Hercegovine, predlagач Vijeće ministara BiH,
3. Prijedlog zakona o dopuni Zakona o putnim ispravama BiH, predlagач Dušanka Majkić,
4. Razmatranje Izvješća o radu Državne regulatorne komsije za električnu energiju u 2005.g.
5. Prijedlog Plana rada Komisije za 2006.godinu
6. Ostala pitanja.

Muhamed Moranjkić je istakao da ima primjedbu na dnevni red i napomenuo da nije bio prisutan na prošloj sjednici kada se razmatrao Treći izvještaj Ministarstva komunikacija i prometa BiH o dodjeljenim CEMT i bilateralnim dozvolama, te da ne bi prihvatio zaključak o prihvatanju lizvješća, pa traži da se pod tačkom ostalo uvrsti u dnevni red i pitanje ovog Izvješćaja.

Predsjedatelj je odgovorio da je Komisija završila rad po pitanju Izvešća i da ukoliko želi Moranjkić može da predloži novu tačku dnevnog reda.

Selim Bešliagić je istaknuo da nema potrebe glasati o novoj točki dnevnog reda, pa predloži da se o CEMT dozvolama raspravlja pod tačkom ostala pitanja.

Komisija je jednoglasno podržala ovaj prijedlog, pa je predloženi dnevni red jednoglasno prihvaćen.

Na upit članova Komisije da li je pokrenuta istraga SIPE oko izdavanje CEMT dozvola, Kojo Koprivica je odgovorio da je SIPA izuzela dokumentaciju vezano za CEMT dozvole.

Ad. 1.

Na prijedlog Zapisnika nije bilo primjedbi, pa je Komisija jednoglasno verificirala Zapisnik 22. sjednice održane 05.12.2005. godine.

Ad.2

Predsjedatelj je podsjetio da su na prošloj sjednici usvojeni principi Prijedlog zakona o Agenciji za informaciono društvo Bosne i Hercegovine i jedanaest amandmana na Zakon, te da je ostalo da se razmatra amandman na član 28, kao i da traženo mišljenje od Vijeća ministara o ovom amandmanu nije do danas dostavljeno.

Muhamed Moranjkić ukazao je da je danas dobio mišljenje Ministarstva komunikacija i prometa, što nije u skladu sa procedurom, tako da ne prihvata mišljenje Ministarstva i da je ono za njega nevažeće.

Milorad Živković naglasio je da nije bio na prošloj sjednici, te podsjetio da je ranije ukazao da su za njega neprihvatljivi predloženi principi Zakona i smatra da je najbolje rješenje da se uradi novi Prijedlog zakona.

Ruža Sopta smatra da je usvajanje predloženog amandmana na član 28. u suprotnosti sa principima Zakona i istaknula da neće podržati amandman.

Selim Bešliagić je mišljenja da bi trebalo otvoriti Javnu raspravu o Zakonu, kao i da bi bilo korisno animirati ljude iz struke.

Predsjedavajući je odgovorio Bešliagiću da sada nije moguća Javna rasprava i da je danas potrebno donijeti konačnu odluku o Zakonu.

Dužanka Majkić istakla je da iako nije član Komisije, smatra da se mora uzeti u obzir činjenica da se radi o oblasti koja nije poznata mnogima i da podržava prijedlog Selima Bešliagića.

Adem Huskić smatra da bi bilo korisno organizirati Javnu raspravu, mada ovdje nije riječ samo o struci, te da bi se poslije rasprave opet vratili na politički teren.

Željko Knežević ukazao je da ukoliko bi se provela Javna rasprava, da trebali učestvovati i predstavnici Evropske komisije, koji bi iznijeli svoja iskustva.

Ruža Sopta istakla je da Ministarstvo zagovara drastičnu promjenu Zakona, bez mišljenja Vijeća ministara, što je neprihvatljivo.

Predsjedavajući je naglasio da Komisija mora završiti proceduru, pa se pristupilo glasanju o :

AMANDMAN 17.

Član 28. se briše. (Momčilo Novaković)

Amandman nije usvojen.

Nakon glasanja o amandmanu , Komisija je :

1. većinom glasova prihvatila tekst Prijedloga zakona o Agenciji za informaciono društvo Bosne i Hercegovine s usvojenim amandmanima,
2. konstatirala da je predloženi Zakon neophodno donijeti, te predlaže Zastupničkom domu Parlamentarne skupštine BiH njegovo usvajanje.

Na osnovu člana 89. Poslovnika, Komisija je za izvjestioca odredila predsjedatelja Komisije Miloša Jovanovića.

Ad. 3

Dušanka Majkić istakla je da joj je žao što se Prijedlog zakona o dopuni Zakona o putnim ispravama BiH razmatra tek nakon četiri mjeseca od podnošenja Prijedloga, te smatra da će Komisija podržati Zakon, jer je apsurdno tržiti saglasnost oba roditelja za dijete koje je sudskom odlukom povjereno na vaspitanje jednoma od roditelja.

Predsjedatelj je konstatirao da nema uloženi amandmana na Prijedlog zakona , pa je Komisija:

1. jednoglasno podržala principe zakona
2. jednoglasno prihvatila tekst Prijedloga zakona o dopuni Zakona o putnim ispravama Bosne i Hercegovine s usvojenim amandmanima,
3. konstatirala da je predloženi Zakon neophodno donijeti, te predlaže Predstavničkom domu Parlamentarne skupštine BiH njegovo usvajanje.

Na osnovu člana 89. Poslovnika, Komisija je za izvjestioca odredila predsjedavajućeg Komisije Miloša Jovanovića.

Ad 4.

Muhamed Moranjkić ukazao je da je danas dobio obavijest Ministarstva transporta i prometa BiH da će u 2006. godini uputiti u proceduru pet zakona i da je potrebno da Ministarstvo precizira rokove, kako bi se ovi zakoni uvrstili po kvartalima u Plan rada.

Selim Bešlić je mišljenja da je neophodno da Plan sadržava u svakom kvartalu prijedloge zakonske regulative vezane za Koridor 5C.

Ruža Sopta je podržala prijedlog Bešlića i istakla da Komisija treba biti aktivnija po pitanju Koridora 5C.

Adem Huskić smatra da bi trebalo kvartalno tražiti izvještaje od Vijeća ministara o Koridoru 5C, kao i da bi bilo korisno da članovi Komisije posjete institucije koje su formirane kroz zakonodavstvo iz nadležnosti Komisije, pa predlaže da se sačini Plan posjete ovim institucijama, što je jednoglasno prihvaćeno.

Predsjedatelj smatra da iznesene sugestije treba uvrstiti u Plan rada, je predložio da se usvoji takav Prijedlog plana rada Komisije za 2006.godinu ,što je Komisija jednoglasno prihvatila.

Ad. 6

Selim Bešlagić je predložio, a Komisija je jednoglasno prihvatila sljedeći zaključak:

- 1.Vijeće ministara putem Ministarstva prometa i komunikacija BiH treba da podnese Izvješće o dosadašnjim aktivnostima na realizaciji projekta izgradnje autoputa na Koridoru 5C,
 - 2.Vijeće ministara BiH treba da sačini Plan realizacije projekta za sve njegove faze (tehnički i finansijski), kako bi se o istom mogla obaviti javna rasprava na sjednici Komisije za saobraćaj i komunikacije,
 - 3.Izvješće iz prve tačke i Plan realizacije iz druge tačke ovog Prijedloga ,Vijeće ministara će Parlamentarnoj skupštini dostaviti BiH u roku od mjesec dana.
- Ovaj zaključak se upućuje Kolegiju Zastupničkog doma, sa zahtjevom da se istim dopuni Dnevni red 73. sjednice Zastupničkog doma.

Muhamed Moranjkić istakao je da je on pokrenuo aktivnosti vezane za nepravilnosti pri izdavanju CEMT dozvola i bilateralnih dozvola, da problem datira od 2004.godine, te podsjetio da je nakon Drugog izvještaj Ministarstva donesena odluka o posjeti ministru Dokiću i da je tada dogovoreno da Ministarstvo sačini cjelovito izvješće. Naglasio je da izvješće koje je dostavljeno nije dalo odgovor ni na jedno pitanje od sedam njegovih pitanja, kao i da je otkrio niz nepravilnosti u samom izvješću.

Selim Bešlagić je naglasio da je velika stvar što je SIPa pokrenula istragu i da bi bilo korisno da SIPa dostavi informaciju o rezultatima istrage.

Nakon završetka rasprave, Komisija je usvojila sljedeći zaključak:

Da se obavijesti Kolegij Zastupničkog doma o aktivnostima Komisije u vezi razmatranja Izvješća Ministarstva komunikacija i prometa BiH o postupku i načinu raspodjele CEMT i drugih dozvola domaćim prevoznicima, kao i da se predlaže Kolegiju da se uputi zahtjev SIPA-i za dostavljanje Informacije o rezultatima izvršene kontrole izdavanja CEMT i drugih dozvola.

Sjednica Komisije završena je u 15,50 sati.

PRIVREMENI TAJNIK POVJERENSTVA
Ahmed Jalovičić

PREDSJEDTELJ POVJERENSTVA
Miloš Jovanović